

民國文獻資料叢編

近代
人物年譜
輯刊

國家圖書館出版社 整理

國家圖書館出版社



16

國家圖書館出版社 整理

近代人物年譜輯刊

第十六冊

國家圖書館出版社

第十六冊目錄

忍堪居士年譜一卷	鄧鎔編	一
袁屏山先生年譜一卷	袁丕元等編	四九
蠓園年表一卷	朱啟鈞編	一一一
潘霞青先生年譜一卷	潘頊編	一三七
適園老人年譜一卷附錄一卷	權量編	一六一
文藪自撰年譜一卷	袁毓麟編	二六七
李希白先生年譜一卷	李根源編	三一
夢懷錄一卷(清同治十三年至民國十二年)	譚新嘉編	三二九

忍堪居士年譜

辛酉二月五十初度自撰

居士姓鄧名鎔

按家譜以義禮智正天啓嗣萬代全詩書傳家貴忠

孝守永安二十字爲命名各之次

字守瑕

原作

壽遐居士讀老子知其雄者守其雌知其白者守其黑喟然曰獨不云知其瑜者守

其瑕乎

忍堪者四十歲後別號也清康熙

六年入川始祖義物公自湖南永州府東

安縣仁智鄉臺盤寺遷居四川成都府金

堂縣廖家場占籍種植子孫孳乳聚族於

斯故土人稱其地曰鄧家壩

原名上元鄉新一甲蘆茅

溝

祖嗣倫字茂基少孤貧丐姊嫁衣典質

爲道路費上省學染業卒以起家考伯先
府君諱友智原各萬侯成都府學附生妣饒孺
人鄧氏在楚無可考入川九世二百餘年
惟以孝弟力田聞於鄉里青青子衿蓋自
茂才公以來故鑿楹納書以貽之居士焉
同治十一年壬申一歲

居士於二月初十日辰時生於成都溝頭巷
自宅是時大伯母段孺人寡二伯父士希三
伯父輝山兩府君亦無子故充閭佳氣舉家
慶之

同治十二年癸酉二歲

同治十三年甲戌三歲

先考屢試於有司皆不售至是受知於成都府知府錢唐許蘭伯先生取列第一名南皮張之洞文襄公提督學政取附成都府學十月女弟擷雲生

光緒元年乙亥四歲

光緒二年丙子五歲

先考以溝頭巷自宅質於人別僦提督街劉姓宅居之十二月弟代銓生

光緒三年丁丑六歲

光緒四年戊寅七歲

先考積學致疾久嬰癆瘵於二月二十一日
棄養歸葬鄧家壩祖塋之次家四壁立先妣
挈子女往省北五十里石板灘依外王父饒
熙堂雲橋先生先生子孫眾多延學究黃謙
山先生授經家塾居士附讀外王父嘉其勤
奮聰悟特優異之逾於諸孫

光緒五年己卯八歲

光緒六年庚辰九歲

光緒七年辛巳十歲

是三年皆從黃謙山先生讀

光緒八年壬午十一歲

光緒九年癸未十二歲

光緒十年甲申十三歲

光緒十一年乙酉十四歲

光緒十二年丙戌十五歲

自壬午年從母舅饒吉春子貞先生讀書於
石板灘側之高鎮寺先生金堂縣學廩貢生
有文譽鄉里多從之游授居士讀尤盡力爲

口講左氏傳等書及丁亥外王父以春秋高
謝家政諸舅析爨子貞先生亦以乙酉選拔
得而復失無意科名改習計然之術然猶以
餘力教居士爲詩文

光緒十三年丁亥十六歲

光緒十四年戊子十七歲

丁亥以來外王父既捐館子貞先生亦不授
徒乃由張國楨象乾姨丈攸助膏火從簡州
附生張鴻舉蓮洲先生學於張氏家塾

光緒十五年己丑十八歲

從張先生二年學不進至是游於簡州附生
戴錫恩晉三先生之門先生不以村夫子科
律斲喪人材頗與張先生異趣居士相得恨
晚窮日夜之力以赴之學大進九月與各鄉
鎮會課輒冠曹偶詞章之學亦於是而筆路
藍縷矣

光緒十六年庚寅十九歲

從戴先生附學於吳氏家塾二月應成都縣
試知縣長白恆琮鎮如先生取到縣案第一
名及府試知府蕭山朱其瑄紹桐先生亦取

前茅至十一月督學使者秀水朱善祥元淑
先生科考按臨取入成都縣學始僦居東御
街奉先妣及大伯母居之

光緒十七年辛卯二十歲

家居獨學從父執葉章韞紱丞先生借四史
讀之家有文選及唐宋詩醇等書亦恣讀之
鄉試報罷先府君門人龔維翰藩侯延課子
弟獲與其長公子道耕嚮農世講互相切劘
又多閱其藏籍學益孟晉十一月女弟擷雲
歸於張氏卽象乾姨丈之子代耕祿廷也

光緒十八年壬辰二十一歲

教讀於東教場沈玉甫家二月督學使者善
化瞿鴻禨子玖先生歲試按臨考到優等補
廩膳生復以高材檄調尊經書院肄業贄見
院長卬州伍肇齡菰生先生又從父執曾培
篤齋岳嗣儀鳳梧兩先生暨諸老宿問學咸
以後來之秀相爲刮目是時館穀之外益以
書院膏火稍足自給八月移住鼓樓街敖姓
宅十一月黃夫人來嫗

光緒十九年癸巳二十二歲

館於梓潼橋錢博周家其比鄰爲長洲顧復
初子遠先生宅先生善書畫工詩詞疏庸於
蜀脫號潛叟蓋老作諸侯客者也從其門客
見居士所爲詩文大加賞異遂爲忘年交集
中有贈顧光祿詩五月辭館家居鄉試報罷
嚮學益厲

光緒二十年甲午二十三歲

居家獨學惟以書院膏火及應課獎金爲事
蓄費鄉試報罷

光緒二十一年乙未二十四歲

正月十三日子寶名生督學使者歷城吳樹
棻移香先生歲試按臨得居士卷亟賞之評
云有雄秀之氣勉力爲之可成作家取列優
等閏五月二日二伯母周孺人卒

光緒二十二年丙申二十五歲

寶應劉嶽雲佛青先生受聘爲尊經書院山
長稱賞居士所爲駢體文及詩賦以爲高足
是科選拔雖不及格而吳移香先生語人曰
吾非不知鄧生才宜拔貢顧其楷法拙劣朝
考必黜不如別予以仕進之路於是皆知居

士當以丁酉優行貢矣是年八月移廬北打銅街

光緒二十三年丁酉二十六歲

授徒於家從學者十餘人富順宋育仁耘子先生受聘爲尊經書院山長循例贄見秋闈之後督學使者會同督部定興鹿傳霖文端公考試優行取列第二名與樂山唐淮源子秦三台唐玉書寶森資州郭旂化南同貢太學及九月鄉試揭曉郭中式舉人以備取之白秉虔補貢正在摒擋北上而先妣遘疾遽

以十二月十七日棄養從此永爲無母之人
矣嗚呼

光緒二十四年戊戌二十七歲

正月扶先妣柩祔於先考墓次永遠奉安在
家讀禮亦有門人相從問學其時直諒多聞
互相切劘者華陽王芝子石丈及其子思仰
思成都高宗舜虞卿新繁吳虞幼陵諸人也
先是甲午兵敗變法義起居士亦漸趨有用
之學頗讀經世之書是年宋先生率書院諸
生發刊蜀報居士藉以發摭論議時流稱之

至於政變孝欽再度垂簾黨人禁錮蜀報亦止居士無俚乃疏連於新都桂湖又之新繁從龍藏寺雪堂長老問法

光緒二十五年己亥二十八歲

夏四月桐城楊寅揆幼甫大令之官威遠延掌書記同館王恩谿召臣喜談詩爲作論詩絕句三十首

光緒二十六年庚子二十九歲

兼受威遠緯經書院之聘至夏間楊大令瓜代居士服亦闋擬應順天鄉試遂解館回省